



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 124. Lutheri opera hoc anno edita.

[urn:nbn:de:hbz:466:1-66472](#)

Sæcul. XVI. men vulgatæ textus habeat: *Omnes qui-*
A.C. 1529. *dem resurgemus, sed non omnes immutabi-*
i. ad Cor. *mur.* Sequebatur Erasmus in versio-

cap. 15. v. 15. ne sua Græci textus sensum; inde
 vero ejusdem Adversarii eum de plu-
 ribus hæresibus præcipue circa resur-
 rectionem accusandi occasionem capta-
 bant: ipse vero in sua responsione ostendere nitebatur, quod textus Græci sen-
 sus optime defendi possit, proin hæc ac-
 cusatio solida ratione destituatur.

§. CXXIV.

Lutheri opera hoc anno edita.

Spond. ad
hunc annum
o. II. 12.

Hoc item anno Lutherus quædam o-
 puscula publici juris fecit, ac præ-
 primis ad Bremensem Præpositum Hi-
 storiam eorum, quæ in Marpurgensi
 conventu inter ipsum & Zwinglium ge-
 sta fuere, breviter scripsit, ubi *Sa-*
cramentorum hostes multa e suis dogmatibus
revocasse, id vero Lutheranæ doctrinæ Se-
ctatoribus objici haud posse asserit, se quo-
que Sacramentariis concessisse inquit, ut,
quamvis pro fratribus eos habere non pos-
set, charitate tamen, quæ etiam hos iibis de-
betur, non privarentur. Scripsit insuper
 libellum de bello contra Turcas, *in quo*

Cochl. in aff. sane, inquit Cochlæus, ita suadet bellan-
Luth. hoc an-
nos ab eo bello abstergere videatur, quam ad
pag. 200. *dum esse contra Infideles, ut magis Christia-*
nos illud

illud incitare. Etenim multis ibi verbis que- Sæcul. XVI.
 ritur, inique damnatum fuisse a Leone X. A.C. 1529.
illum articulum suum: præliari adversus
 Turcas est repugnare Deo visitanti ini-
 quitates nostras per illós, quia non
 tantum omnia debemus velle, quæ
 Deus vult, ut velimus, sed absolute quod-
 cunque Deus vult. *Inter multa alia e-*
tiam sic habet: Interrogetur rerum ex-
 perientia, quam prospere hactenus no-
 bis fuerit bellum cum Turcis gerere,
 quando tanquam Christiani, & sub no-
 mine Christi pugnavimus, donec tan-
 dem Rhodum, totamque pene Hunga-
 riā, atque ad hæc magnam Germa-
 niæ partem amisimus, ut sentire ac pal-
 pare possimus, quod Deus non sit no-
 biscum ad bellandum contra Turcas.
Multis præterea propositionibus incessit,
 atque ibi calumniatur Lutherus Papam,
 Imperatorem, Reges, Principes, & Epis-
 copos maxime vero Curiam Romanam.
 Hucusque Joannes Cochlaeus, qui etiam
 ex præfato Lutheri libro triginta sex
 propositiones ad modum Dialogi ex-
 traxit.

§. CXXV.

Hist. Eccles. Tom. XXXV. Ss